

श्री हनुमान चालिसा



दोहा

श्री गुरु चरण सरोज रज, निज मनु मुकुरु सुधारि ।
बरनउँ रघुबर विमल जसु, जो दायकु फल चारि ॥

बुद्धिहिन तनु जानकै, सुमिरौं पवन कुमार ।
बल विद्या देहु मोहिं, हरहु कलेस विकार ॥

चौपाई

जय हनुमान ज्ञान गुण सागर ।
जय कपीस तिहुँ लोक उजागर ॥

रामदुत अतुलित बल धामा ।
अंजनी-पुत्र पवनसुत नामा ॥

महावीर विक्रम बजरंगी ।
कुमति निवार सुमतिके संगी ॥

कंचन वरन विराज सुवेसा ।
कानन कुण्डल कुंचित केसा ॥

हाथ बज्रऔ ध्वजा विराजे ।
काँधे मुँज जनेउ साजै ॥

शंकर सुवन केसरी नन्दन ।
तेज प्रताप महा जग वन्दन ॥

विद्यावान गुनी अति चातुर ।
राम काज करिवे को आतुर ॥

प्रभु चरित्रे सुनिवे को रसीया ।
राम लखन सीता मन वसीया ॥

सूक्ष्म रूप धरि सियहि दिखावा ।
विकट रूप धरि लंक जरावा ॥

भीम रूप धरि असुर सँहारे ।
रामचन्द्रके काज सँवारे ॥

लाय सजिवन लखन जियाए ।
श्री रघुविर हरषि उर लाए ॥

रघुपति कीन्ही बहुत बडाई ।
तुम मम प्रिय भरत हि सम भाई ॥

सहस्र बदन तुम्हरो जस गावै ।
अस कहि श्रीपति कंठ लगावै ॥

सनकादिक ब्रह्मादि मुनिसा ।
नारद सारद सहित अहीसा ॥

जम कुबेर दिगपाल जहाँ ते ।
कवि कोविद कहि सके कहाँ ते ॥

तुम उपकार सुग्रीवहिं किन्हा ।
राम मिलाय राजपद दिन्हा ॥

तुम्हरो मन्त्र विभिषण माना ।
लंकेश्वर भए सब जग जाना ॥



जुग जहस्त्र जोजन पर भानू ।
लिल्यो ताहि मधुर फल जानू ॥

प्रभु मुद्रिका मेलि मुख माहीं ।
जलधि लाँघी गए अचरज नाहीं ॥

दुर्गम काज जगत के जेते ।
सुगम अनुग्रह तुम्हरे तेते ॥

राम दुआरे तुम रखवारे ।
होत न आज्ञा विनु पैसारे ॥

सब सुख लहै तुम्हारी सरना ।
तुम रक्षक काहुको डर ना ॥

आपन तेज सम्हारो आपै ।
तिनो लोक हाँक ते काँपै ॥

भुत पिसाच निकट नहि आवै ।
महाविर जब नाम सुनावै ॥

नासै रोग हरै सब पीडा ।
जपत निरन्तर हनुमत बीरा ॥

संकट ते हनुमान छुडावै ।
मन क्रम वचन ध्यान जो लावै ॥

सब पर राम तपस्वी राजा ।
तिनके काज सकल तुम सजा ॥

और मनोरथ जो कोइ लावै ।
सोइ अमित जीवन फल पावै ॥



चारो जुग प्रताप तुम्हारा ।
है प्रसिद्ध जगत उजियारा ॥

साधु संतके तुम रखवारे ।
असुर निकन्दन राम दुलारे ॥

अष्ट सिद्धि नौ निधिके दाता ।
अस वर दीन जानकी माता ॥

राम रसायन तुम्हरे पासा ।
सदा रहो रघुपतिके दासा ॥

तुम्हरे भजन रामको पावै ।
जन्म जन्मके दुःख विसरावै ॥

अन्तकाल रघुवर पुर जाई ।
जहाँ जन्म हरि-भक्त कहाई ॥

और देवता चित्त न धरई ।
हनुमत्त सेइ सर्व सुख करई ॥

संकट कटै मिटै सब पिडा ।
जो सुमिरै हनुमत बलवीरा ॥

जय जय जय हनुमान गोसाईं ।
कृपा करहु गुरु देवकी नाई ॥

जो सत वार पाठ कर कोइ ।
छुटहि बन्दी महा सुख होई ॥

जो यह पदै हनुमान चालिसा ।
होय सिद्धि साखी गौरिसा ॥

तुलसीदास सदा हरि चेरा ।
किजै नाथ हृदय मह डेरा ॥

दोहा

पवन तनय संकट हरन, मंगल मूर्ति रूप ।
राम लखन सीता सहित, हृदय बसहु सुर भूप ॥

मन्त्र

ॐ नमोः हनुमते भए भंजनाए सुखम् कुरु फट स्वाहा !

प्रार्थना

कवन सो काज कठिन जग माहि, जो नहि होइ तात तुम्ह पाही !



सीयावर रामचन्द्रकी जय !



पवनसुत हनुमानकी जय !!